

Gwybodaeth am Daliadau ar gyfer Apwyntiadau Newydd ac Amrywiadau (NAVs)

2023-24

Cynnwys

Diffinio'r termau	3
1. Cyflwyniad	4
2. Sut i gysylltu â ni	5
3. Sut i dalu	5
4. Treth ar Werth	5
5. Dogfennau eraill am daliadau	5
6. Methodoleg taliadau swmpgyflenwi ar gyfer safleoedd heb wasanaeth	6
7. Methodoleg taliadau ar gyfer safleoedd defnyddwyr mawr	20
7.1 Tariff diwydiannol dŵr yfadwy	20
7.2 Tariff diwydiannol dŵr anyfadwy	22
7.3 Tariff diwydiannol carthffosiaeth	22
8. Methodoleg taliadau swmpgyflenwi ar gyfer safleoedd NAV o dan y meini prawf caniatâd	23
8.1 Taliadau mesuredig cyfanwerthu safonol	23
9. Rhestr taliadau ceisiadau NAV	24
9.1 Datblygiadau arfoethedig	24
9.2 Dyluniad peirianegol pwyntiau cysylltu neu ryddhau	24
9.3 Modelu hydrolig	24
9.4 Archwilio cysylltiadau carthffosiaeth	24
9.5 Taliadau seilwaith	25
10. Taliadau eraill am wasanaethau o ddorperir	27
10.1 Darparu cyflenwadau cynorthwyol	27



Y stori nid er elw

Dysgwch ymhle y mae'ch arian yn cael ei fuddsoddi yn dwrcymru.com/gwahanol

Diffinio'r termau

Bydd gan y termau canlynol yr ystyrion a bennir isod lle bynnag y maent yn cael eu defnyddio yn y ddogfen hon:

Cwmni yw Dŵr Cymru Cyfyngedig.

Cwsmer yw penodai newydd neu benodai sydd am amrywio ei drwydded trwy gyflwyno cais NAV newydd ar gyfer datblygiad newydd.

Cysylltiad yw cysylltiad sy'n cael ei reoleiddo gan y Ddeddf a deddfwriaeth berthnasol arall, sy'n caniatáu i'r cwsmer gael budd o wasanaethau'r Cwmni.

Deddf yw Deddf y Diwydiant Dŵr 1991 ac unrhyw ddiwygiadau iddi.

Dŵr anyfadwy yw dŵr na fwriedir iddo gyrraedd y safonau iachusrwydd a bennir yn y rheoliadau a wnaed o dan Ddeddf y Diwydiant Dŵr 1991.

Dŵr gwastraff yw Carthffosiaeth neu Garthffosiaeth a Dŵr Wyneb, neu Ddŵr Wyneb yn unig.

Dŵr yfadwy yw dŵr y bwriedir iddo gyflawni'r safonau iachusrwydd a bennir yn y rheoliadau a wnaed o dan Ddeddf y Diwydiant Dŵr 1991.

Maen Prawf Caniatâd yw'r maen prawf ar gyfer cais NAV, lle mae'r NAV yn ymgeisio ar y sail bod y penodai cyfredol yn cytuno i drosglwyddo'r safle neu'r eiddo i'r darpar NAV.

Maen Prawf Defnyddiwr Mawr yw'r maen prawf ar gyfer cais NAV lle mae'r darpar-NAV yn ymgeisio ar y sail y bydd yn defnyddio llawer iawn o ddŵr. Yng Nghymru, mae hynny'n golygu dros 250 megalitr o ddŵr y flwyddyn. Yn Lloegr, mae'n golygu mwy na 50 megalitr o ddŵr y flwyddyn.

Maen Prawf Heb Wasanaeth yw'r maen prawf ar gyfer Cais NAV lle bo'r darpar-NAV yn ymgeisio ar y sail nad oes yna unrhyw gysylltiadau â phrif bibellau dŵr o/neu garthffosiaeth ar y safle ar hyn o bryd.

Megalitr (Ml): Un megalitr yw 1,000 metr ciwbig (m³).

Swmpgyflenwi: Cyflenwad dŵr swmp o un cwmni dŵr penodedig i un arall, neu ryddhau dŵr gwastraff fesul swmp o un cwmni carthffosiaeth i garthffosydd cwmni carthffosiaeth arall.

Swmpwasanaeth: Gall NAV ddarparu ei seilwaith ei hun ar y safle, ond dibynnu ar swmpgyflenwi dŵr, neu ryddhau dŵr gwastraff fesul swmp o rwydwaith deiliad y rhwydwaith perthnasol neu iddo. Mae'r NAV yn dal i wasanaethu'r Cwsmeriaid terfynol, ond y NAV sy'n talu'r deiliad am y gwasanaethau swmp.

Ymgymerydd yw cwmni a apwyntiwyd o dan adran 6 o Ddeddf y Diwydiant Dŵr 1991.

1. Cyflwyniad

Mae'r ddogfen hon yn disgrifio'r holl Daliadau sy'n berthnasol i Apwyntiadau Newydd ac Amrywiadau (NAVs) o fewn ardal gyflenwi Dŵr Cymru a dylid ei darllen ar y cyd â Chanllawiau NAV y Cwmni sydd ar gael **yma**.

Ardal gyflenwi'r Cwmni

Mae'r Cwmni'n cyflenwi gwasanaethau dŵr a charthffosiaeth yn yr ardal a ddangosir ar y map isod.



2. Sut i gysylltu â ni

Ffôn

0800 260 5053 (24 awr)

Ar Lein

<https://wholesale.dwrcymru.com/cy>

E-bost

WholesaleServiceCentre@dwrcymru.com

Post

Canolfan Gwasanaethau Cyfanwerthu

Dŵr Cymru

Blwch SB 364

Caerdydd CF30 0FF

Ein horiau gwaith ar gyfer derbyn gohebiaeth yw 8am i 6pm dydd Llun i ddydd Gwener (heblaw am wyliau banc)

3. Sut i dalu

Taliadau BACS

Cod didoli: 52-21-07

Rhif y cyfrif: 01500007

BACS o dramor

Rhif IBAN: GB51 NWBK 5221 0701 5000 07

Rhif BIC: NWBK GB 21 22X

Cofiwch gynnwys eich cyfeirnod cwsmer wrth wneud eich taliad.

4. Treth ar Werth

Ychwanegir TAW at daliadau cyflenwi dŵr (gan gynnwys dŵr ar ddibenion adeiladu) NAVs. Lle codir TAW, gwneir hynny ar y gyfradd sydd mewn grym adeg cyhoeddi'r anfoneb neu adeg talu'r blaendaliad.

Ychwanegir TAW at bob taliad arall yn y ddogfen hon oni nodir fel arall.

5. Dogfennau eraill am daliadau

Y Cynllun Taliadau

Manylion taliadau dŵr a charthffosiaeth ar gyfer cwsmeriaid domestig ac annomestig.

Y Ddogfen Taliadau Cyfanwerthu

Taliadau ar gyfer safleoedd cymwys y gellid eu cyflenwi â dŵr trwy awdurdodiad adwerthu cyfyngedig.

Cynllun Taliadau'r Gwasanaethau Datblygu

Taliadau am gysylltiadau newydd a gweithgareddau eraill i gynorthwyo datblygwyr.

6. Methodoleg taliadau swmpgyflenwi ar gyfer safleoedd heb wasanaeth

Cwmpas

Mae'r adran hon ymwneud â'r taliadau parhaus am gyflenwi gwasanaethau dŵr a dŵr gwastraff ar gyfer safleoedd NAV. Nid yw'n cwmpasu'r taliadau cyn ymgeisio na'r taliadau cysylltu sy'n dod o fewn Adran 9.

Pwrpas


Mae'r ddogfen hon yn pennu'r tariffau cyfanwerthu ar gyfer y cyfnod o 1 Ebrill 2023 i 31 Mawrth 2024 i'w defnyddio mewn cytundebau swmpgyflenwi er mwyn cyfrifo'r taliadau ar gyfer swmpgyflenwi gwasanaethau dŵr a dŵr gwastraff ar bob safle. Mae manylion y tariffau yn Nhablau 2 a 3.

Mae'r ddogfen yn darparu'r fethodoleg ar gyfer pennu taliadau ar gyfer safleoedd penodol i'w defnyddio gan ddarpar-ymgeiswyr sydd am gyflwyno cais am NAV yn ardal DCWW.

Egyddorion

Datblygwyd ein dull o gyfrifo tariffau swmpgyflenwi i gydymffurfio â chanllawiau swmp Ofwat 'Taliadau swmp ar gyfer apwyntiadau newydd - canllawiau ar ein hymagwedd a'n disgwyliadau' a gyhoeddwyd yn Ionawr 2021¹ a chanllawiau Llywodraeth Cymru (LIC) 'Canllawiau i Ofwat ar Godi Tâl am Ffioedd Datblygwyr, Ffioedd Swmpgyflenwadau a Ffioedd Mynediad' a gyhoeddwyd yn 2017, a rheoliadau a deddfwriaeth berthnasol eraill. Dangosir y fethodoleg cyfanwerthu-minws, a godwyd o ganllawiau Ofwat (t.9) yn ffigur 1 isod:

Ffigur 1: Dull gweithredu cyfanwerthu-minws Ofwat



¹ Pennwyd y taliadau swmp i gydymffurfio â'r canllawiau cyfredol, gan gynnwys ystyriaeth i restr CEPA o gostau a osgoir. Yn ogystal, mae'r Cwmni wedi cyfrannu at weithgor Ofwat dan arweiniad y diwydiant ar gyfer taliadau swmp ar gyfer NAVs ers i'r gweithgor goel ei ffurfio yn 2021. Ystyriwyd allbwn y gweithgor hwn wrth lunio taliadau 2023/24. Mae'r costau parhaus a osgoir a'r fethodoleg ar gyfer y taliadau'n destun adolygiad rheolaidd wrth i Ofwat gyhoeddi canllawiau newydd i'r diwydiant neu wrth i astudiaethau achos o'r diwydiant goel eu cyhoeddi.

Datblygwyd y tariffau swmpgyflenwi ar sail cyfartaledd rhanbarthol o'r top i lawr. Ar gyfer safleoedd â nodweddion gweithredol sy'n faterol o wahanol i'w gilydd, gallai'r dull yma o weithredu sbarduno didyniadau sy'n golygu nad yw'r safleoedd yn economaidd hyfyw. Gan gydnabod hyn, lle nad yw'r tariffau hyn yn berthnasol oherwydd agweddau gweithredol sy'n faterol o wahanol ar unrhyw safle penodol, gellir ystyried taliadau pwrpasol yn rhan o unrhyw drafodaethau sy'n ymwneud â chytundeb swmpgyflenwi cyn ymgeisio.

Mae'r tâl swmpgyflenwi ar gyfer pob safle NAV yn benodol i'r safle unigol yna ac fe'i cyfrifir bob blwyddyn yn seiliedig ar ein tariffau cyfanwerthu cyhoeddadedig, wedi eu haddasu yn unol â'n dull gweithredu cyfanwerthu-minws. Mae sut y cyfrifir y tâl swmpgyflenwi'n rhan o'r drefn negodi ar y cytundeb swmpgyflenwi. Mae'r ddogfen hon yn pennu'r fethodoleg a

ddefnyddir wrth gyfrifo ein taliadau swmpgyflenwi. Mae'n darparu manylion y cydrannau allweddol a ddefnyddir i gyfrifo'r tâl swmpgyflenwi hefyd, gan gynnwys y tariffau cyfanwerthu a'r didyniadau o ran costau.

Mae'r tariffau cyfanwerthu'n cyfeirio at ddarpariaeth "safonol" o ran cyflenwi gwasanaethau dŵr a dŵr gwastraff domestig, e.e. dŵr yfadwy ac elifiant cryfder domestig, draenio dŵr wyneb a draenio priffyrdd. Os oes gan ddatblygiad neu safle gwsmeriaid diwydiannol neu os yw'n rhyddhau elifiant masnachol materol, rhaid edrych ar y rhain fesul achos unigol, ac mae DCWW yn cadw'r hawl i amrywio'r tariffau hyn yn unol â hynny.

Mae'r didyniadau o ran costau'n cwmpasu'r costau a gaiff eu didynnu o'r tariffau cyfanwerthu er mwyn adlewyrchu'r costau y mae DCWW yn eu hosgoi o ganlyniad i'r ffaith fod y penodai newydd yn cyflenwi'r safle.

Cyfrifo taliadau safle ar sail y tariffau

Swmpgyflenwadau NAV sy'n bodoli eisoes

Disgrifir y mecanwaith ar gyfer trosi'r tariffau isod yn daliadau blynyddol yn y Cytundeb Swmpgyflenwi perthnasol. Anfonir y taliadau ar gyfer y flwyddyn nesaf at y penodai newydd yn unol â'r amserlen a bennir yn Nhabl 1 isod.

Darpar-swmpgyflenwadau NAV

Mae yna dri cham i'r mecanwaith ar gyfer trosi'r tariffau isod yn daliadau swmpgyflenwi safle blynyddol ac mae'r rhain yn gysylltiedig â cham datblygu'r safle NAV:

- i. **Cyn ymgeisio** — Mae'r wybodaeth a gynhwysir yn yr atodiad hwn yn caniatáu i ddarpar-ymgeisydd amcangyfrif cost derbyn swmpwasanaeth ar unrhyw safle NAV penodol. Bydd hyn yn bwydo'r drafodaeth ar y cytundeb swmpgyflenwi. Rhoddir cyfrifiad enghreifftiol yn hyn o beth yn Nhabl 4. Disgrifir y costau eraill sy'n gysylltiedig â'r broses cyn ymgeisio yn Adran 9;

- ii. **Datblygiad y safle** — Seilir y tâl swmpgyflenwi ar y nifer o eiddo â chysylltiad a greir ar y safle, ac felly bydd hyn yn newid wrth i'r safle ddatblygu. Yn ystod datblygiad y safle, cyfrifir y tâl swmpgyflenwi'n flynyddol ar sail nifer yr eiddo y disgwylir eu cwblhau. Am fod y tâl swmpgyflenwi'n seiliedig ar y datblygiadau a ddisgwylir yn ystod y flwyddyn sydd i ddod, mae yna botensial ar gyfer tan- neu or-amcangyfrif y taliadau. Man cychwyn rhagofynnol y trafodaethau am y cytundeb swmpgyflenwi yw y bydd angen mecanwaith 'gwir-bennu' yn ystod y cyfnod hwn i ddarparu ar gyfer cyflymdra go iawn y datblygiad. Bydd y mecanwaith 'gwir-bennu' yn pennu sut y caiff unrhyw wahaniaethau rhwng cyflymdra go iawn y datblygiad a'r hyn a ragfynegydd eu trin; a

- iii. **Safle oeddfed** – Ar ôl cwblhau'r safle, bydd nifer y cysylltiadau'n gyson ac felly bydd elfen sefydlog y tâl yn hysbys. Os cyfrifir tâl cyfeintiol wedi ei bwysoli oherwydd cyfluniad y safle, caiff hynny ei adolygu'n flynyddol.

Yr amserlen flynyddol ar gyfer diweddaru'r taliadau

Caiff y tariffau a gynhwysir yn y ddogfen hon eu diweddaru'n flynyddol yn unol â'r amserlen a bennwyd gan Ofwat yn y rheolau ar daliadau cyfanwerthu sydd Nhabl 1 isod. Caiff taliadau swmpgyflenwi ar gyfer safleoedd NAV unigol eu diweddaru yn unol â'r amserlen yn y cytundeb perthnasol.

Tabl 1: Yr Amserlen Flynyddol ar gyfer diweddaru tariffau a thaliadau cyhoeddedig

Mis	Gweithgaredd
Gorffennaf	Pennu cwnpas y taliadau – trafod egwyddor unrhyw newidiadau arfaethedig o bwys i strwythur neu lefel y tariffau cyfanwerthu gyda'r NAVs.
Hydref	Cyhoeddi'r tariffau cyfanwerthu dangosol a'u hanfon at Adwerthwyr a NAVs; hysbysu'r y NAVs am effaith unrhyw newidiadau materol arfathedig i'r fethodoleg ar gyfer codi swmpdaliadau neu i'r taliadau swmpgyflenwi.
Tachwedd/Rhagfyr	Pennu'r tariffau'n derfynol o chael sêl bendith y Bwrdd. Caiff y NAVs o dan sylw eu hysbysu am unrhyw newidiadau materol i'r tariffau dangosol. Cytuno ar ragolygon o ran eiddo a defnydd gyda'r NAVs yn unol â'r trefniadau swmpgyflenwi.
Ionawr	Cyhoeddi'r tariffau swmpgyflenwi yr un pryd â'r tariffau cyfanwerthu sylfaenol, cyn dechrau'r flwyddyn y maent yn berthnasol iddynt.

Taliadau swmpgyflenwi NAV

Cyfrifir taliadau swmpgyflenwi NAV gan ddefnyddio'r fethodoleg cyfanwerthu-minws yn unol â chanllawiau Ofwat. Y tariffau angenrheidiol wrth gyfrifo'r taliadau swmpgyflenwi NAV yw'r tariffau cyfanwerthu sylfaenol a'r didyniadau o'r tariffau cyfanwerthu sylfaenol. Lle bo gan safleoedd agweddau gweithredol sy'n wahanol yn faterol, sy'n golygu nad yw'r tariffau cyfanwerthu safonol a/neu'r didyniadau'n berthnasol, gellid ystyried taliadau sydd wedi eu teilwra'n unigol yn rhan o unrhyw drafodaethau cyn ymgeisio am gytundeb swmpgyflenwi.

Tariffau cyfanwerthu sylfaenol

Mae'r tariffau cyfanwerthu sylfaenol yn rhan o'r taliad "bil terfynol" ar gyfer pob cwsmer, ac fe'u cyfrifir yn rhan o'r broses flynyddol o bennu'r taliadau; nid ydynt yn ymwneud yn unswydd â'r gwasanaethau swmpgyflenwi. Pennir y tariffau perthnasol a ddefnyddir yn ein taliadau swmpgyflenwi yn Nhabl 2 isod.

Tabl 2: Tariffau cyfanwerthu sylfaenol

Domestig

Cyfradd Gyfeintiol	Dŵr	Carthffosiaeth – Dŵr Budr yn unig
Cyfradd gyfeintiol safonol	£1.4526/m ³	£1.9534/m ³
Tariff sefydlog am bob mesurydd		
Mesurydd hyd at 25mm	£14.21	£37.98
Mesurydd 30mm	£14.21	£37.98
Mesurydd 40mm	£14.21	£37.98

Annommestig

Cyfradd Gyfeintiol	Dŵr	Carthffosiaeth – Dŵr Budr yn unig
Cyfradd gyfeintiol safonol	£1.5402/m ³	£1.9589/m ³
Tariff sefydlog fesul mesurydd		
Mesurydd hyd at 20mm	£15.68	£37.13
Mesurydd 25mm	£85.62	£202.56
Mesurydd 30mm	£163.86	£322.64
Mesurydd 40mm	£318.57	£526.21
Mesurydd 50mm	£489.91	£1,022.25
Mesurydd 65mm	£659.79	£1,707.29
Mesurydd 80mm	£877.99	£2,526.30
Mesurydd 100mm	£1,045.54	£4,457.92
Mesurydd 150mm	£1,348.68	£10,383.83
Mesurydd 200mm neu fwy	£1,348.68	£18,591.49

Didyniadau o'r tariffau cyfanwerthu sylfaenol

Mae Tabl 3 isod yn pennu'r didyniadau a wneir o'r tariffau cyfanwerthu sylfaenol er mwyn cyfrifo'r tâl swmpgyflenwi.

Cyfrifir y didyniad am gostau parhaus a osgoir o'r costau cyfalaf fesul cysylltiad unigol am nad yw'r costau sylfaenol yn amrywio yn ôl faint o ddŵr a gyflenwir. Yr eithriad i hyn yw'r didyniad am ollyngiadau ar y safle NAV sy'n cael ei unioni trwy addasiad i'r cyfaint y cofnodwyd iddo gael ei ddarparu i'r pwynt swmpgyflenwi. Mae'r didyniad o 5% am ollyngiadau dŵr a gyflenwir i'r safle'n adlewyrchu adolygiad o'r dystiolaeth sydd ar gael, ac yn benodol yr asesiadau o ollyngiadau a geir yng Nghynlluniau Rheoli Adnoddau Dŵr y NAVs.

Tabl 3: Didyniadau o'r tariffau cyfanwerthu sylfaenol

Didyniadau am gyfluniad ar y safle	Dŵr	Carthffosiaeth
Costau parhaus a osgoir Asedau cyfalaf ar y safle	£20.03/eiddo	£8.86/eiddo
(Elw cyfanwerthu a ganiateir a dibrisiant)	£25.16/eiddo	D/B
Addasiad am ollyngiadau ar y safle	5% o'r dŵr a gyflenwir	D/B

Y fethodoleg ar gyfer cyfrifo taliadau swmpgyflenwi ar sail y tariffau cyhoeddedig

Mae dwy ran i'r tâl swmpgyflenwi; sef tâl sefydlog sy'n seiliedig ar nifer yr eiddo sydd ar y safle a thâl amrywiol sy'n seiliedig ar faint o ddŵr a gyflenwir i'r safle, wedi ei addasu i adlewyrchu gollyngiadau ar y safle. Mae'r camau isod yn dangos sut y cyfrifir y taliadau cyfartalog wedi eu pwysoli ar gyfer pob safle. Mae Tabl 4 yn dangos esiampl o sut y mae'r fethodoleg yma'n gweithio'n ymarferol.

Cam 1

Cyfrifo'r tâl sefydlog wedi ei bwysoli.

Cam 1-1 Tâl sefydlog cyfanwerthu sylfaenol – Mae'r tariff cyfanwerthu sylfaenol sefydlog wedi ei bwysoli yn ymrannu'n ddwy gydran: y tâl am y mesurydd swmpgyflenwi a'r tâl gwasanaeth am y mesuryddion ar y safle, a gyfrifir ar sail y tariffau domestig ac annomestig perthnasol ar gyfer yr eiddo ar y safle.

Cam 1-2 Didyniadau am gostau parhaus a osgoir – Mae'r rhain wedi cael eu cyfrifo fesul eiddo fel bod y didyniad yn cael ei gyfrifo gan luosi'r gyfradd fesul uned â nifer yr eiddo. Mae'r gyfradd fesul uned yn seiliedig ar gostau gweithredu rhwydwaith lleol y cwmni, cynnal a chadw, a rheoli fesul eiddo. Yn ystod cam datblygu'r safle, rhagolwg yw nifer yr eiddo. Gellir addasu'r tariff cyfanwerthu sylfaenol wedi ei bwysoli i adlewyrchu gwyradau o'r rhagolygon mewn blynyddoedd dilynol. Cymeradwyir y fethodoleg ar gyfer gwir-bennu fel hyn yn rhan o'r broses cyn ymgeisio. Dylid nodi y gall y cam yma esgor ar daliadau sefydlog negyddol.

Cam 2

Cyfrifo'r tâl amrywiol wedi ei bwysoli.

Cyfrifir y gyfradd cyfanwerthu cyfeintiol wedi ei phwysoli ar sail y gyfradd cyfanwerthu domestig a'r gyfradd annomestig safonol wedi eu pwysoli yn ôl defnydd disgwyliedig.

Cam 3

Cyfrifo'r tâl swmpgyflenwi NAV

Cyfrifir y tâl swmpgyflenwi NAV ar gyfer y safle gan ddefnyddio'r taliadau a gyfrifwyd yng nghamau 1 a 2 uchod. Gwneir y didyniad am ollyngiadau ar y safle yn y cam yma. Cymhwysir lwfans pellach o 5% am beidio â dychwelyd i'r gorthffos hefyd er mwyn cyfrifo'r tâl dŵr gwastraff. Lle bo'n briodol, rydyn ni'n cadw'r hawl i fonitro'r llif a ryddheir o bryd i'w gilydd.

Esboniad o'r taliadau swmpgyflenwi

Mae Tabl 4 isod yn rhoi enghraifft o sut y caiff taliadau swmpgyflenwi dŵr eu cyfrifo a'u hadfer. Mae gan y safle enghreifftiol yma 250 eiddo domestig a 10 eiddo annomestig. Ar ôl gollyngiadau, rhagwelir defnydd domestig o 25MI, a defnydd annomestig o 2MI. Mae'r esiampl yn seiliedig ar y tariff carthffosiaeth dŵr budr yn unig, am na fyddai gan y mwyafrif o ddatblygiadau newydd gysylltiad dŵr wyneb. Defnyddir y lwfans safonol o 5% am beidio â dychwelyd i'r garthffos o ran y defnydd a ragwelir at ddibenion cyfrifo'r tâl dŵr gwastraff cyfeintiol.

Tabl 4a: Esboniad o sut y cyfrifir a sut y defnyddir taliadau swmpgyflenwi NAV - Dŵr

		Uned	Niferoedd a Thariffau	Taliadau Sefydlog
Taliadau wedi eu pwysoli fesul eiddo				
A	Domestig			
(1)	Nifer yr aelwydydd y codir tâl arnynt y flwyddyn nesaf	Nr	250	
(2)	Tâl cyfanwerthu mesurydd domestig	£	14.21	
(1)*(2)	Taliadau gwasanaeth domestig	£		3,552.50
B	Annomestig			
(3)	Nifer yr eiddo annomestig y codir tâl arnynt y flwyddyn nesaf	Nr	10	
(4)	Tâl cyfanwerthu mesurydd annomestig	£	15.68	
(3)*(4)	Taliadau gwasanaeth annomestig	£		156.80
	Cyfunol			
	Cyfanswm y cysylltiadau a chyfanswm y tâl sefydlog		260	3,709.30
A+B	Cyfanswm y tâl sefydlog sylfaenol	£		3,709.30

Cam 1-2: Cyfrifo'r tâl sefydlog wedi ei bwysoli – Didyniadau am gostau ar y safle

		Uned	Niferoedd a Thariffau	Taliadau Sefydlog
	Didyniad am gostau ar y safle			
(1)+(3)	Nifer y cysylltiadau	Nr	260	
	Costau ar y safle fesul cysylltiad i'w didynnu	£	20.03	
C	Didyniad am gostau parhaus ar y safle			5,207.80
	Didyniad am WACC a dibrisiant asedau ar y safle			
(1)+(3)	Nifer y cysylltiadau	Nr	260	
	Costau ar y safle fesul cysylltiad i'w didynnu	£	25.16	
D	Didyniad am daliadau cyfalaf ar y safle			6,541.60
	Didyniadau Swmpgyflenwi			
C+D	Cyfanswm y didyniadau ar y safle	£		11,749.40

Cam 2: Cyfrifo'r tâl amrywiol wedi ei bwysoli

	Uned	Niferoedd a Thariffau	Taliadau Sefydlog
Taliadau Cyfeintiol (Mae'r cyfrifiad cyfeintiol wedi ei bwysoli'n defnyddio cyfeintiau wedi eu haddasu am ollyngiadau ar y safle a'r lwfans dim dychwelyd i'r garthffos)			
	Cyfaint y dŵr domestig a ragwelir	m ³	25,000
	Tâl cyfanwerthu cyfeintiol domestig	£/m ³	1.4526
E	Refeniw domestig cyfeintiol sylfaenol	£	36,315.00
	Cyfaint y dŵr annomestig a ragwelir	m ³	2,000
	Tâl cyfanwerthu cyfeintiol annomestig	£/m ³	1.5402
	Refeniw annomestig cyfeintiol sylfaenol	£	3,080.40
F	Defnydd cyfunol a refeniw	m ³	27,000
			39,395.40
E+	Cyfradd gyfeintiol wedi ei phwysoli	£/m ³	1.4591

Cam 3: Cyfrifo'r tâl swmpgyflenwi

		£	£
Taliadau sefydlog			
Tâl sylfaenol	Cam 1 - 1	3,709.30	
Didyniadau	Cam 1 - 2	(11,749.40)	
Tâl sefydlog swmpgyflenwi			(8,040.10)
Tâl cyfeintiol			
Y cyfaint a gyflenwyd i'r safle		28,421	
Addasiad am ollyngiadau (5%)		(1,421)	
Dŵr a gyflenwyd i eiddo		27,000	
Lwfans dim dychwelyd i'r garthffos (5%)			
Cyfradd gyfeintiol	Cam 2	1.4591	
Tâl cyfeintiol			39,395.70
Tâl swmpgyflenwi			31,355.60

Tabl 4b: Esboniad o sut y cyfrifir a sut y defnyddir taliadau swmpgyflenwi NAV – Dŵr Gwastraff

		Uned	Niferoedd a Thariffau	Taliadau Sefydlog
Taliadau wedi eu pwysoli fesul eiddo				
Taliadau Sefydlog				
A	Domestig			
(1)	Nifer yr aelwydydd y codir tâl arnynt y flwyddyn nesaf	Nr	250	
(2)	Tâl cyfanwerthu mesurydd domestig	£	37.98	
(1)*(2)	Taliadau gwasanaeth domestig	£		9,495.00
B	Annomestig			
(3)	Nifer yr eiddo annomestig y codir tâl arnynt y flwyddyn nesaf	Nr	10	
(4)	Tâl cyfanwerthu mesurydd annomestig	£	37.13	
(3)*(4)	Taliadau gwasanaeth annomestig	£		371.30
Cyfunol				
B	Cyfanswm y cysylltiadau a Chyfanswm y tâl sefydlog		260	9,866.30
A+B	Cyfanswm y tâl sefydlog sylfaenol	£		9,866.30

Cam 1-2: Cyfrifo'r tâl sefydlog wedi ei bwysoli – Didyniadau am gostau ar y safle

		Uned	Niferoedd a Thariffau	Taliadau Sefydlog
	Didyniad am gostau ar y safle			
(1)+(3)	Nifer y cysylltiadau	Nr	260	
	Costau ar y safle fesul cysylltiad i'w didynnu	£	8.86	
C	Didyniad am gostau parhaus ar y safle			2,303.60
	Didyniad am WACC a dibrisiant asedau ar y safle			
(1)+(3)	Nifer y cysylltiadau	Nr		
	Costau ar y safle fesul cysylltiad i'w didynnu	£	D/B	
D	Didyniad am daliadau cyfalaf ar y safle			D/B
	Didyniadau Swmpgyflenwi			
C+D	Cyfanswm y didyniadau ar y safle	£		2,303.60

Cam 2: Cyfrifo'r tâl amrywiol wedi ei bwysoli

	Uned	Niferoedd a Thariffau	Taliadau Cyfeintiol
Taliadau Cyfeintiol (Mae'r cyfrifiad cyfeintiol wedi ei bwysoli'n defnyddio cyfeintiau wedi eu haddasu am ollyngiadau ar y safle a'r lwfans dim dychwelyd i'r garthffos)			
	Cyfaint y dŵr domestig a ragwelir	m ³	23,750
	Tâl cyfanwerthu cyfeintiol domestig	£/m ³	1.9534
E	Refeniw domestig cyfeintiol sylfaenol	£	46,393.25
	Cyfaint y dŵr annomestig a ragwelir	m ³	1,900
	Tâl cyfanwerthu cyfeintiol annomestig	£/m ³	1.9589
	Refeniw annomestig cyfeintiol sylfaenol	£	3,721.91
F	Defnydd cyfunol a refeniw	m ³	25,650
			50,115.16
E+	Cyfradd gyfeintiol wedi ei phwysoli	£/m ³	1.9538

Cam 3: Cyfrifo'r tâl swmpgyflenwi

		£	£
Taliadau sefydlog			
Tâl sylfaenol	Cam 1 - 1	9,866.30	
Didyniadau	Cam 1 - 2	2,303.60)	
Tâl sefydlog swmpgyflenwi			7,562.70
Tâl cyfeintiol			
Y cyfaint a gyflenwyd i'r safle			
Addasiad am ollyngiadau (5%)			
Dŵr a gyflenwyd i eiddo		27,000	
Lwfans dim dychwelyd i'r garthffos (5%)		(1,350)	
		25,650	
Cyfradd gyfeintiol	Cam 2	1.9538	
Tâl cyfeintiol			50,114.97
Tâl swmpgyflenwi			57,677.67

7. Methodoleg taliadau ar gyfer safleoedd defnyddwyr mawr

Lle gwneir cais am telerau prisio a thelerau eraill cytundeb swmpgyflenwi yn y cyfnod cyn cynllunio, bydd y pris swmpgyflenwi'n seiliedig ar y wybodaeth sydd ar gael adeg cyflwyno'r cais, a gall fod yn destun newid. Bydd y tâl swmpgyflenwi'n seiliedig ar y Tariff Cyfanwerthu Diwydiannol priodol a bennir isod.

7.1 Tariff diwydiannol dŵr yfadwy

Mae'r tariff diwydiannol am ddŵr yfadwy'n cynnwys sawl band sy'n adlewyrchu defnydd blynyddol. Mae Tabl 5 isod yn dangos y tariffau cyfanwerthu ar gyfer defnyddwyr dŵr mawr ym mhob un o'r pum band cyflenwi.

Mae pob band yn berthnasol i'r holl ddŵr a ddefnyddir rhwng 1 Ebrill 2023 a 31 Mawrth 2024 ac mae'n cynnwys:

- Tâl sefydlog am y flwyddyn;
- Thâl gwasanaeth blynyddol am bob mesurydd sy'n gwasanaethu'r safle yn seiliedig ar faint y mesurydd (a bennir yn Nhabl 6 isod); a
- Thâl cyfeintiol ar gyfer yr holl ddŵr a ddefnyddir.

Tabl 5

Mae'r ail golofn yn dangos y lefel defnydd blynyddol lle byddai'r band ar ei fwyaf economaidd i'r cwsmer.

Tariff	Defnydd dangosol (Ml/blwyddyn)	Tâl sefydlog (£)	Tâl cyfeintiol (£/m³)
Safonol	<50		1.5889
Band 1	50 - 99	22,711.77	1.1012
Band 2	100 - 249	27,368.35	1.0545
Band 3	250 - 499	42,012.29	0.9953
Band 4	500 - 999	83,496.89	0.9118
Band 5	>1000	161,088.63	0.8342

Bydd tâl gwasanaeth mesuredig safonol yn daladwy am bob mesurydd (gweler Tabl 6).

Tabl 6

Mae'r tâl gwasanaeth cyfanwerthu mesuredig blynyddol safonol yn berthnasol i bob mesurydd ac mae'n seiliedig ar faint mesurydd fel a ganlyn:

Maint y mesurydd (mm)	Dŵr (£)	Carthffosiaeth (£)	Carthffosiaeth dŵr budr (£)
Hyd at 20mm	31.39	106.59	53.19
25mm	101.33	307.71	218.62
30mm	179.57	427.79	338.70
40mm	334.28	631.36	542.27
50mm	505.62	1,127.40	1,038.31
65mm	675.50	1,812.44	1,723.35
80mm	893.70	2,631.45	2,542.36
100mm	1,061.25	4,563.07	4,473.98
150mm	1,364.39	10,488.98	10,399.89
200mm neu'n fwy	1,364.39	18,696.64	18,607.55

7.2 Tariff diwydiannol dŵr anyfadwy

Mae'r tariff diwydiannol am ddŵr anyfadwy ar gael ar gyfer cyflenwadau dŵr sydd wedi eu trin yn rhannol a dŵr crai yn dibynnu a yw'r cyflenwad yn cael ei drin o gwbl. Mae Tabl 7 yn dangos y tariffau cyfanwerthu am ddŵr anyfadwy.

Mae pob band yn berthnasol i'r holl ddŵr a ddefnyddir rhwng 1 Ebrill 2023 a 31 Mawrth 2024 ac mae'n cynnwys:

- Tâl sefydlog am y flwyddyn;
- Tâl gwasanaeth blynyddol am bob mesurydd sy'n gwasanaethu'r safle yn seiliedig ar faint y mesurydd (a bennir yn Nhabl 6 uchod) a'r;
- Tâl cyfeintiol am yr holl ddŵr a ddefnyddir.

Tabl 7

Mae'r ail golofn yn dangos y lefel defnydd blynyddol lle byddai'r band ar ei fwyaf economaidd i'r cwsmer.

Tariff	Defnydd (Ml/blwyddyn)	Tâl sefydlog (£)	Tâl Cyfeintiol (£/m³)
Dŵr wedi ei drin yn rhannol	< 50		1.4620
Dŵr crai	< 50		1.3650
Dŵr wedi ei drin yn rhannol	> 50	45,694.75	0.5279
Dŵr crai	> 50	46,562.15	0.4127

7.3 Tariff diwydiannol carthfffosiaeth

Mae tâl y tariff carthfffosiaeth diwydiannol yn cynnwys:

- Tâl sefydlog am y flwyddyn (sy'n cynnwys tâl sefydlog blynyddol ar gyfer y mesurydd cyntaf)
- Tâl sefydlog ychwanegol am bob mesurydd ychwanegol yn seiliedig ar faint y mesurydd (gweler tabl 6)
- Tâl cyfeintiol am yr holl ddŵr a ddefnyddir

Am garthfffosiaeth a ryddheir > 100,000m³ y flwyddyn	(£)
Tâl Sefydlog – Gwasanaeth Llawn	31,150.35
Tâl sefydlog – Dŵr budr yn unig	13,330.94
Tâl cyfeintiol – Gwasanaeth llawn fesul m³	1.9238
Tâl cyfeintiol – Dŵr budr yn unig fesul m³	1.9238

8. Methodoleg taliadau swmpgyflenwi ar gyfer safleoedd NAV o dan y meini prawf caniatâd

Lle gwneir cais am delerau pris a thelerau eraill cytundeb swmpgyflenwi yn y cyfnod cyn cynllunio, bydd y pris swmpgyflenwi'n seiliedig ar y wybodaeth sydd ar gael adeg cyflwyno'r cais, a gall fod yn destun newid. Bydd y tâl swmpgyflenwi yn seiliedig ar y Tariff Cyfanwerthu Safonol priodol a fanylir isod neu'r Tariffau Diwydiannol uchod os yw'r safle'n defnyddio mwy na 50MI y flwyddyn o ddŵr neu'n rhyddhau mwy na 100MI o garthffosiaeth y flwyddyn.

8.1 Taliadau cyfanwerthu domestig mesuredig safonol

	Dŵr (£)	Carthffosiaeth (£)
Cyfradd gyfeintiol safonol fesul m ³	1.4526	
Cyfradd gyfeintiol safonol – Gwasanaeth llawn fesul m ³		1.9534
Cyfradd gyfeintiol safonol - Dŵr budr yn unig fesul m ³		1.9534

Codir tâl gwasanaeth blynyddol am bob mesurydd sy'n gwasanaethu'r safle yn seiliedig ar faint y mesurydd fel a nodir isod.

Maint y mesurydd (mm)	Dŵr (£)	Carthffosiaeth (£)	Carthffosiaeth dŵr budr (£)
Hyd at 25mm	40.51	110.82	76.22
30mm	40.51	110.82	76.22
40mm	40.51	110.82	76.22

9. Rhestr taliadau ceisiadau NAV

9.1 Datblygiad arfaethedig

Bydd y Cwmni'n darparu'r gwasanaeth yn rhan o'r cynnig Swmpgyflenwi neu fel gwasanaeth ar ei ben ei hun os yw'r Cwsmer yn gofyn am hynny. Y tâl ar gyfer adolygu'r Datblygiad Arfaethedig yw £72.76 plws TAW.

9.2 Dyluniad peirianegol pwyntiau cysylltu neu ryddhau

Cynhyrchir ateb peirianegol manwl ar gyfer y cysylltiad neu'r cysylltiadau. Bydd angen talu blaendal, a gaiff ei dynnu o gost derfynol y cynllun. Cost y blaendal yw £2,000 plws TAW.

9.3 Modelu hydrolog

Codir tâl o £250 plws TAW am baratoi cost model hydrolog pwrpasol. Bydd y dyfynbris modelu'n clustnodi cwmpas a chost yr ymarfer modelu sydd ei angen fesul achos unigol. Os derbynnir y dyfynbris, y cam nesaf fydd cyfarwyddo DCWW i gyflawni'r astudiaeth modelu hydrolog. Mae dyfynbrisiau modelu'n ddilys am chwe mis.

9.4 Archwilio cysylltiadau carthffosiaeth

Goruchwilio cysylltiadau â charthffosydd:

Cysylltiadau â charthffosydd: i wasanaethu 1-25 eiddo Goruchwyliaeth yn ystod oriau swyddfa 8.30am i 5.00pm dydd Llun i ddydd Gwener	£207.00
Cysylltiadau â charthffosydd: i wasanaethu 26+ eiddo Goruchwyliaeth yn ystod oriau swyddfa 8.30am i 5.00pm dydd Llun i ddydd Gwener	£364.65
Cysylltiadau â charthffosydd Goruchwyliaeth y tu hwnt i oriau swyddfa	Pris ar Gais

9.5 Taliadau seilwaith

Mae'r taliadau seilwaith am gyflenwi at ddibenion domestig yn daladwy o dan Adran 146 o'r Ddeddf ac Amod C o Drwydded Offeryn Penodi'r Cwmni (fel y'i diwygiwyd).

Mae cysylltiadau newydd yn cynyddu'r pwysau ar y systemau dŵr a charthffosiaeth, a gall hyn olygu y bydd angen gwneud gwaith arnynt yn y pen draw. Felly, yn ogystal ag unrhyw dâl am gysylltiad dŵr neu garthffosiaeth a/neu dâl archebu, codir tâl seilwaith am gysylltiadau dŵr newydd a thâl seilwaith am gysylltiadau carthffosiaeth newydd hefyd.

Bydd taliadau seilwaith yn daladwy adeg cysylltu pob cyflenwad dŵr fel a nodir yn y cytundebau am swmpwasanaeth. Codir y taliadau am bob gwasanaeth a ddarperir, lle darperir cysylltiadau dŵr a charthffosiaeth, bydd y ddau daliad seilwaith yn daladwy ar y cam yma. Os na ddarperir gwasanaethau carthffosiaeth ar gyfer eiddo, ni fydd unrhyw daliadau seilwaith carthffosiaeth yn daladwy.

Gall y taliadau hyn fod yn daladwy hefyd lle bo safle wedi cael ei ailddatblygu a bod yr ailddatblygiad hwnnw'n golygu bod y galw ar y safle'n uwch nag y bu yn ystod y pum mlynedd diwethaf. Mae taliadau seilwaith y tu hwnt i gwmpas TAW.

Codir y taliadau safonol isod ar gyfer eiddo domestig safonol:

Dŵr	£487.00
Carthffosiaeth	£487.00

Lluosyddion perthnasol

Y tâl ar gyfer datblygiadau â fflatiau â mesurydd unigol fesul fflat fydd 1 tâl safonol fesul fflat.

Caiff y taliadau ar gyfer datblygiadau â fflatiau a wasanaethir gan gyflenwad mesuredig swmp, ac ar gyfer eiddo dibreswyl, eu cyfrifo drwy luosi'r tâl safonol uchod â'r lluosydd perthnasol. Caiff y lluosydd perthnasol ei gyfrifo gan ddefnyddio cyfanswm yr unedau llwytho ar gyfer pob ffitiad dŵr ar y safle o gyflenwir, a'i rannu â 24. Y rhif hwnnw neu 1 (p'run bynnag yw'r uchaf) yw'r lluosydd perthnasol.

Y tâl ar gyfer datblygiadau â fflatiau â mesurydd unigol fesul fflat fydd un tâl safonol fesul fflat.

Math o Eiddo	Math o Ddefnydd	Taliadau am Gysylltiadau Newydd	Credyd os bu'n segur am <5 mlynedd
		Lluosydd Perthnasol	Lluosydd Perthnasol
Preswyl	Domestig	1	1
Di-breswyl	Domestig	Yn seiliedig ar unedau llwytho	Yn seiliedig ar ddefnydd blaenorol

Unedau llwytho

Lle bo gan eiddo ddefnydd domestig ac nad yw'r cysylltiad yn gysylltiad domestig safonol neu'n gysylltiad domestig mwy, defnyddir unedau llwytho cysylltiadau domestig i bennu'r Lluosydd Perthnasol drwy gyfeirio at y tabl a'r nodiadau canlynol.

Ffritiad dŵr	Unedau Llwytho
Seston Fflysio Toiled	2
Basn ymolchi mewn tŷ	1.5
Basn ymolchi mewn man arall	3
Bath â thapiau 20mm	10
Bath â thapiau mwy na 20mm	22
Cawod	3
Sinc â thapiau 15mm	3
Sinc â thapiau mwy na 15mm	5
Tap chwistrellu	0.5
Bidet	1.5
Offeryn domestig (yn amodol ar isafswm o chwe uned lwytho fesul tŷ)	3
Offeryn cymunedol neu fasnachol	10
Unrhyw ffritiad dŵr neu allfa arall (gan gynnwys tap ond nid troethfa na meddalydd dŵr)	3

Nodiadau

1. Mae cyfeiriadau at unrhyw ffritiad yn cynnwys cyfeiriadau at unrhyw waith plymio, allfa, lle pwrpasol neu gynllun neu ddarpariaeth arall ar gyfer y ffritiad hwnnw.
2. Mae bath yn cynnwys baddonau trobwll a Jacwsis.
3. Mae offer domestig yn golygu offer (fel peiriannau golchi llestri, peiriannau golchi dillad ac unedau gwaredu gwastraff) mewn tŷ.
4. Mae offer cymunedol neu fasnachol yn golygu offer (fel peiriannau golchi llestri, peiriannau golchi dillad ac unedau gwaredu gwastraff) mewn man arall ar wahân i dŷ (gan gynnwys cyfleusterau cymunedol).

Credydau tâl seilwaith

Lle bo safle'n ailddatblygiad a bod cysylltiadau wedi bodoli ar y safle o fewn 5 mlynedd cyn i'r cysylltiad parhaol newydd cyntaf gael ei wneud ar y datblygiad newydd, gellir gostwng cyfanswm y taliadau seilwaith dŵr ar gyfer y safle.

Caiff nifer y safleoedd domestig oedd yn bodoli ac a oedd â chysylltiad dŵr ar y safle yn ystod y cyfnod o 5 mlynedd, neu yn achos safleoedd annomestig mesuredig, nifer y credydau sy'n ddyledus yn seiliedig ar y defnydd cyfartalog o ddŵr yn y datblygiad blaenorol yn ystod y cyfnod o 5 mlynedd, ei didynnu o gyfanswm y lluosyddion perthnasol ar gyfer y cysylltiadau sy'n deillio o'r datblygiad newydd

Bydd lluosir cyfanswm newydd â'r tâl safonol yn rhoi cyfanswm y tâl seilwaith dŵr ar gyfer y safle. Gwneir gostyngiad tebyg o ran y cysylltiadau carthffosiaeth a oedd yn arfer gwasanaethu'r safle.

Lle bo anghydfod rhwng y Cwmni a'r unigolyn y codir unrhyw dâl seilwaith arno, gellir cyfeirio'r mater at yr Awdurdod Rheoleiddio Gwasanaethau Dŵr (Ofwat).

10. Taliadau eraill am wasanaethau a ddarperir

10.1 Darparu cyflenwadau cynorthwyol

Gall y Cwmni ddarparu Cyflenwad Cynorthwyol lle bo digwyddiad na chynlluniwyd yn codi ar Rwydwaith Dosbarthu'r Penodai Newydd sy'n ei atal rhag defnyddio'r cyflenwad dŵr.

Eitem	Tâl
Darparu dŵr gan ddefnyddio tanceri, tanceri dŵr a phaledi brys os ydynt ar gael i'w defnyddio. Codir tâl rhesymol am ymweliadau aflwyddiannus.	Pris ar gais + TAW